



REPUBLIKA E SHQIPËRISË
AUTORITETI RRUGOR SHQIPTAR

**RREGULLORE E BRENDSHME PËR HETIMIN
ADMINISTRATIV TË SINJALIZIMIT DHE
MBROJTJEN E KONFIDENCIALITETIT NË
AUTORITETIN RRUGOR SHQIPTAR**





REPUBLIKA E SHQIPËRISË
AUTORITETI RRUGOR SHQIPTAR

NR.	KAPITULLI	PËRMBAJTJA	FAQE
1.	Kapitulli I	Të përgjithshme	3 - 5
2.	Kapitulli II	Struktura e shqyrtimit	5 - 6
3.	Kapitulli III	Procedura e hetimit	6 - 9
4.	Kapitulli IV	Të drejtat dhe mbrojtja	10 - 12
5.	Kapitulli V	Dispozita të fundit	12



REPUBLIKA E SHQIPËRISË
AUTORITETI RRUGOR SHQIPTAR

**KAPITULLI I
TË PËRGJITHSHME**

**Neni 1
Objekti i rregullores**

Përcaktimi i rregullave për sinjalizimin e një veprimi ose praktike të dyshuar korrupsioni nga sinjalizuesit në Autoritetin Rrugor Shqiptar, mekanizmat për mbrojtjen e sinjalizuesve dhe detyrimet e Autoritetit Rrugor Shqiptar në lidhje me sinjalizimin.

**Neni 2
Baza ligjore**

Kjo rregullore hartohet në bazë dhe në zbatim të nenit 13, pika 10 të Ligjit nr. 60/2016 “Për sinjalizimin dhe mbrojtjen e sinjalizuesve”.

**Neni 3
Qëllimi**

Qëllimi i kësaj rregulloreje është:

- a) parandalimi dhe goditja e korrupsionit në Autoritetin Rrugor Shqiptar,
- b) mbrojtja e individëve që sinjalizojnë veprimet ose praktikave të dyshuara të korrupsionit në vendin e tyre të punës pranë Autoritetit Rrugor Shqiptar,
- c) nxitja e sinjalizimit të veprimeve ose praktikave të dyshuara të korrupsionit brenda Autoritetit Rrugor Shqiptar.

**Neni 4
Parimet e sinjalizimit**

Mbrojtja e sinjalizuesve të veprimeve ose praktikave të dyshuara të korrupsionit, sipas Ligjit nr. 60/2016 “Për sinjalizimin dhe mbrojtjen e sinjalizuesve” bazohet në parimet e:

- a) ruajtjes së konfidencialitetit të informacionit të sinjalizimit dhe sekretit shtetëror nga njësia përgjegjëse brenda Autoritetit Rrugor Shqiptar,
- b) njohjes së identitetit të sinjalizuesit, përveç rastit kur Ligji nr. 60/2016 “Për sinjalizimin dhe mbrojtjen e sinjalizuesve” lejon pranimin e një sinjalizimi anonim,
- c) sinjalizimit vullnetar të një veprimi ose praktike të dyshuar të korrupsionit,
- ç) integritetit dhe paanshmërisë së Njesisë përgjegjëse brenda Autoritetit Rrugor Shqiptar gjatë shqyrtimit të sinjalizimit,
- d) zbatimit të mekanizmave të efektshëm dhe të përshtatshëm për mbrojtjen e të drejtave dhe interesave legjitimë të sinjalizuesit,
- dh) procedurës së hetimit administrativ të sinjalizimit në mënyrë të shpejtë dhe të besueshme.



REPUBLIKA E SHQIPËRISË
AUTORITETI RRUGOR SHQIPTAR

Neni 5
Sinjalizimi

Çdo person, i cili vihet në dijeni për veprime ose praktika të dyshuara të korrupsionit, gjatë punës ose në lidhje me veprimtarinë e tij të punës pranë Autoritetit Rrugor Shqiptar, ka të drejtë të sinjalizojë këto fakte tek njësia përgjegjëse brenda Autoritetit Rrugor Shqiptar ose ILDKPKI-së, sipas rastit.

Neni 6
Mirëbesimi i sinjalizuesit

1. Sinjalizuesit i ofrohet mbrojtja për sinjalizimin e kryer në kushtet e mirëbesimit, të një veprimi ose praktike të dyshuar korrupsioni, sipas kriterëve të parashikuara në këtë ligj.

2. Sinjalizuesi konsiderohet se ka vepruar në mirëbesim, nëse ka shkaqe të arsyeshme për të besuar se është duke sinjalizuar një veprim ose praktikë të dyshuar korrupsioni, si dhe:

a) nuk e dinte ose nuk kishte mundësi objektive për të ditur se informacioni i sinjalizuar nuk ishte i vërtetë ose i saktë edhe nëse më vonë rezulton se ka gabuar në lidhje me vërtetësinë ose saktësinë e tij, ose vërtetohet nga organet kompetente se nuk është kryer një vepër penale e korrupsionit;

b) sinjalizimi nuk kryhet në mënyrë abuzive, shpifëse ose sinjalizuesi nuk mashtron mbi informacionin e sinjalizuar.

3. Sinjalizuesi prezumohet të jetë në mirëbesim, derisa nuk provohet e kundërta nga njësia përgjegjëse brenda Autoritetit Rrugor Shqiptar, sipas rastit.

Neni 7
Forma dhe përmbajtja e sinjalizimit

1. Sinjalizimi bëhet me çdo mjet komunikimi, në formë të shkruar ose deklarohet verbalisht para njësisë përgjegjëse pranë Autoritetit Rrugor Shqiptar dhe dokumentohet me shkrim prej tyre. Sinjalizimi përmban të paktën:

a) të dhënat e identitetit të sinjalizuesit,
b) të dhënat e kontaktit të sinjalizuesit,
c) përshkrimin e fakteve e të rrethanave të njohura nga sinjalizuesi për veprimin ose praktikën e dyshuar të korrupsionit, shoqëruar me provat përkatëse, për aq sa është e mundur;

ç) referimin përkatës në Kodin Penal të Republikës së Shqipërisë, për aq sa është e mundur, nga sinjalizuesi, të veprës ose praktikës së dyshuar të korrupsionit;

d) në rastin e sinjalizimit të jashtëm, shkaqet ligjore dhe rrethanat e faktit, për aq sa është e mundur, nga sinjalizuesi, për përdorimin e mekanizmit të sinjalizimit të jashtëm.



REPUBLIKA E SHQIPËRISË
AUTORITETI RRUGOR SHQIPTAR

2. Sinjalizuesi mund të zgjedhë të mbetet anonim dhe sinjalizimi pranohet, nëse në të janë shprehur qartë dhe janë arsyetuar shkaqet e anonimatit dhe të dhënat e sinjalizuara sigurojnë një bazë të mjaftueshme për të hetuar administrativisht veprimin ose praktikën e dyshuar të korrupsionit.

3. Pavarësisht nga ekzistenca e njësisë përgjegjëse brenda Autoritetit Rrugor, sinjalizuesi mund të nisë një procedurë të jashtme sinjalizimi pranë ILDKPKI-së.

Neni 8
Sinjalizimi në publik

Në rast se sinjalizuesi njofton publikisht veprimin ose praktikën e dyshuar të korrupsionit, gëzon të drejtën e mbrojtjes, sipas këtij ligji, deri në çastin kur sinjalizimi bëhet publik.

Neni 9
Bashkëpunimi

Në zbatim të parimit të ruajtjes së konfidencialitetit, sekretit shtetëror dhe mbrojtjes së të dhënave personale, njësia përgjegjëse pranë Autoritetit Rrugor Shqiptar bashkëpunon me ILDKPKI-në për shkëmbim të dhënash, të plota dhe pa asnjë rezervë, me qëllim shqyrtimin dhe zgjidhjen e një rasti të sinjalizuar kur, pavarësisht nga organizata e sinjalizuesit, të sinjalizuarit i përkasin organizatave të ndryshme.

KAPITULLI II
STRUKTURA E SHQYRTIMIT TË SINJALIZIMIT

Neni 10
Sinjalizimi i brendshëm dhe njësia përgjegjëse

1. Brenda Autoritetit Rrugor është caktuar Njësia përgjegjëse, e cila regjistron, heton administrativisht dhe shqyrton sinjalizimet, sipas Ligjit nr. 60/2016 “Për sinjalizimin dhe mbrojtjen e sinjalizuesve”.

2. Sipas Urdhërit nr. 9737/3, datë 19.07.2017 të Drejtorit të Përgjithshëm, Njësia përgjegjëse për sinjalizimin dhe mbrojtjen e sinjalizuesve brenda Autoritetit Rrugor Shqiptar është Sektori i Auditimit të Brendshëm dhe përbëhet nga 3 persona.



REPUBLIKA E SHQIPËRISË
AUTORITETI RRUGOR SHQIPTAR

Neni 11

Sinjalizimi i jashtëm tek Inspektorati i Lartë i Deklarimit dhe Kontrollit të Pasurive dhe Konfliktit të Interesave

1. Pavarësisht nga njësia përgjegjëse brenda Autoritetit Rrugor Shqiptar, sinjalizuesi ka të drejtë të sinjalizojë veprën e dyshuar të korrupsionit tek ILDKPKI-ja në rastet kur:

a) njësia përgjegjëse brenda A.RR.SH-së nuk fillon hetimin administrativ ose përfundon hetimin në kundërshtim me nenin 14 të Ligjit nr. 60/2016 “Për sinjalizimin dhe mbrojtjen e sinjalizuesve”,

b) ekziston dyshimi i arsyeshëm se pritësi i sinjalizimit në njësinë përgjegjëse brenda A.RR.SH-së, ose persona të lidhur me të janë të përfshirë ose kanë një interes të drejtpërdrejtë ose jo të drejtpërdrejtë, pasuror ose personal, në veprimin ose praktikën e dyshuar të korrupsionit.

c) ka arsye të tjera të bazuara për të dyshuar në integritetin dhe paanshmërinë e njësisë përgjegjëse brenda A.RR.SH-së në shqyrtimin e sinjalizimit, sipas parimeve të Ligjit nr. 60/2016 “Për sinjalizimin dhe mbrojtjen e sinjalizuesve”,

ç) prova e sinjalizuesit, në lidhje me veprimin ose praktikën e dyshuar të korrupsionit, mund të fshihet ose të shkatërrohet nga Autoriteti Rrugor Shqiptar.

2. Në rastet e përmendura në pikën 1, të këtij neni, çdo hetim i njësisë përgjegjëse Brenda A.RR.SH-së, nëse ka filluar, ndërpritet dhe sinjalizimi hetohet në vijim nga ILDKPKI-ja.

KAPITULLI III
PROÇEDURA E HETIMIT ADMINISTRATIV TË SINJALIZIMIT

Neni 12

Parimet e përgjithshme të hetimit administrative

1. Në kryerjen e funksioneve të saj, njësia përgjegjëse Brenda Autoritetit Rrugor Shqiptar duhet:

a) të veprojë me ndershmëri, paanshmëri dhe efikasitet, duke pasur parasysh interesat legjitimë të sinjalizuesit,

b) të veprojë në mënyrë të pavarur nga pikëpamja politike dhe çdo influencë tjetër e padrejtë që mund të pengojë realizimin e detyrave, sipas Ligjit nr. 60/2016 “Për sinjalizimin dhe mbrojtjen e sinjalizuesve”,

c) të shmangë çdo konflikt interesi të mundshëm dhe të deklarojë menjëherë tek titullari ose ILDKPKI-ja konfliktin e interesit përpara fillimit të hetimit administrativ të një sinjalizimi,



REPUBLIKA E SHQIPËRISË
AUTORITETI RRUGOR SHQIPTAR

ç) të marrë të gjitha masat e përshtatshme për të mbrojtur dokumentacionin dhe provat lidhur me sinjalizimin nga zhdukja, fshehja, ndryshimi, falsifikimi dhe veprime të tjera, të cilat synojnë asgjësimin e tyre;

d) të ruajë konfidencialitetin e informacionit dhe të mbrojë të dhënat në përmbajtje të çdo sinjalizimi, në përputhje me nenet 15 dhe 16 të Ligjit nr. 60/2016 “Për sinjalizimin dhe mbrojtjen e sinjalizuesve”,

dh) të ruajë sekretin shtetëror në përmbajtje të një sinjalizimi në zbatim të ligjit.

2. Gjatë procesit të hetimit administrativ, sinjalizuesi ka të drejtë të mos zbulojë burimet e informacionit.

Neni 13

Procedura e hetimit administrativ

1. Sipas rastit, njësia përgjegjëse brenda Autoritetit Rrugor Shqiptar, heton administrativisht sinjalizimin, në përputhje me procedurën e përcaktuar në Ligjin nr. 60/2016 “Për sinjalizimin dhe mbrojtjen e sinjalizuesve”. Për atë që nuk parashikohet ndryshe në këtë ligj, njësia përgjegjëse brenda Autoritetit Rrugor Shqiptar zbaton dispozitat e Kodit të Procedurave Administrative.

2. Procedura e hetimit administrativ të sinjalizimit përfundon sa më shpejt të jetë e mundur, por, në çdo rast, jo më vonë se 60 ditë nga data e fillimit të hetimit, përveçse kur nga rrethanat kërkohet një afat më i gjatë.

3. Gjatë periudhës së hetimit administrativ, njësia përgjegjëse brenda Autoritetit Rrugor Shqiptar shqyrton dhe vlerëson pretendimet e ngritura nga sinjalizuesi në lidhje me veprimin ose praktikën e dyshuar të korrupsionit. Për këtë qëllim, njësia përgjegjëse brenda Autoritetit Rrugor Shqiptar ka të drejtë të kërkojë informacione dhe dokumente, të urdhërojë inspektime ose analiza, të mbledhë deklarata ose të pyesë persona në dijeni ose rrethanat e çështjes ose të konsultohet me ekspertë të fushave të ndryshme.

4. Në hetimin administrativ merr pjesë sinjalizuesi dhe çdo person tjetër i tretë, kur dyshohet se posedon dokumente ose ka dijeni për rrethanat e sinjalizuara, përfshirë dhe të sinjalizuarin, nëse vlerësohet e nevojshme nga drejtuesi i hetimit.

5. Çdo palë pjesëmarrëse në hetimin administrativ i garantohet një proces i rregullt, në përputhje me parashikimet në Kodin e Procedurave Administrative, si dhe:

- a) mund të japë deklarata me shkrim, argumente ose opinione,
- b) mund të konsultohet me dosjen e hetimit,
- c) ka të drejtë të dëgjohet në lidhje me pretendimet e tij.

6. Autoriteti Rrugor Shqiptar duhet të vendosë në dispozicion të hetimit të dhënat, dokumentacionin dhe provat e zotëruara prej saj.

7. Njësia përgjegjëse brenda Autoritetit Rrugor Shqiptar njofton sinjalizuesin për çdo masë të marrë në përgjigje të sinjalizimit jo më vonë se 30 ditë nga momenti i kryerjes së veprimit.



REPUBLIKA E SHQIPËRISË
AUTORITETI RRUGOR SHQIPTAR

Pavarësisht nga afati i njoftimit të parashikuar në këtë nen, njësia përgjegjëse brenda Autoritetit Rrugor Shqiptar është e detyruar t'i përgjigjet brenda 30 ditëve nga marrja e kërkesës për informacion, të paraqitur me shkrim nga sinjalizuesi, në çdo kohë, në lidhje me çështjen e sinjalizuar prej tij.

8. Nëse në përfundim të hetimit administrativ të sinjalizimit nga njësia përgjegjëse brenda Autoritetit Rrugor Shqiptar rezulton se veprimi ose praktika e dyshuar e sinjalizuar përbën ose mund të përbëjë një shkelje administrative, sipas ligjit, njësia përgjegjëse brenda Autoritetit Rrugor Shqiptar, sipas rastit, vë në dijeni organin kompetent.

9. ILDKPKI-ja dhe organizata (Autoriteti Rrugor Shqiptar), në bashkëpunim me njëra tjetrën, marrin masa të menjëhershme, të çastit dhe për aq sa është e mundur, për të parandaluar ose penguar vazhdimin e pasojave të dëmshme nga veprimi ose praktika e dyshuar e korrupsionit të sinjalizuar.

Neni 14

Mosfillimi dhe përfundimi i hetimit administrative

1. Njësia përgjegjëse brenda Autoritetit Rrugor Shqiptar ka të drejtë të mos fillojë hetimin administrativ nëse:

a) sinjalizimi nuk është depozituar sipas formës dhe përmbajtjes së kërkuar nga neni 7, të Ligjit nr. 60/2016 “Për sinjalizimin dhe mbrojtjen e sinjalizuesve”, dhe sinjalizuesi nuk korrigjon këto të meta brenda 7 ditëve nga data e marrjes së njoftimit për korrigjim,

b) sinjalizimi përmban fakte dhe rrethana që nuk përfshihen në fushën e zbatimit sipas nenit 3, pika 6 të Ligjit nr. 60/2016 “Për sinjalizimin dhe mbrojtjen e sinjalizuesve”,

c) kur nga përmbajtja e sinjalizimit del haptazi se nuk ka elemente të kundërvajtjes administrative ose të veprës penale.

2. Njësia përgjegjëse brenda Autoritetit Rrugor Shqiptar ka të drejtë të përfundojë hetimin administrativ nëse:

a) gjatë hetimit rezulton se sinjalizimi për veprimin ose praktikën e dyshuar të korrupsionit është i bazuar. Në këtë rast, njësia përgjegjëse brenda Autoritetit Rrugor Shqiptar njofton menjëherë Prokurorinë ose Policinë e Shtetit.

b) sinjalizuesi nuk ka vepruar në kushtet e mirëbesimit, në zbatim të nenit 6 të Ligjit nr. 60/2016 “Për sinjalizimin dhe mbrojtjen e sinjalizuesve”.

3. Në dosjen e sinjalizimit shënohen vendimi për mosfillimin ose përfundimin e hetimit administrativ, i arsyetuar për të gjitha shkaqet që kanë çuar në vendimmarrjen përkatëse, si dhe masat e marra në lidhje me sinjalizimin.



REPUBLIKA E SHQIPËRISË
AUTORITETI RRUGOR SHQIPTAR

Neni 15
Konfidencialiteti

1. Gjatë procedurës së hetimit administrativ të sinjalizimit të brendshëm ose të jashtëm, identiteti i sinjalizuesit u bëhet i ditur personave të tretë vetëm me pëlqimin e tij me shkrim.
2. Njësia përgjegjëse brenda Autoritetit Rrugor Shqiptar duhet të ruajnë në çdo kohë në mënyrë konfidenciale informacionin e lidhur me sinjalizimin, duke mos e përhapur ose transmetuar te persona të tretë brenda ose jashtë organizatës (Autoritetit Rrugor Shqiptar) ose ILDKPKI-së, si dhe të mos e përdorin për qëllime të tjera, përveçse me pëlqimin me shkrim të sinjalizuesit ose për përmbushjen e një detyrimi ligjor.
3. Njësia përgjegjëse brenda Autoritetit Rrugor Shqiptar, në komunikimet me organizatën (Autoriteti Rrugor Shqiptar) ku punon sinjalizuesi ose me çdo subjekt apo autoritet tjetër, privat ose shtetëror, respekton detyrimin e konfidencialitetit dhe ua komunikon informacionin e nevojshëm vetëm personave të caktuar për hetimin administrativ ose për marrjen e masave për ndjekjen e fakteve të sinjalizuara, në kuadër të një marrëveshjeje konfidencialiteti mes palëve.
4. Çdo person, i cili merr informacion konfidencial nga njësia përgjegjëse brenda Autoritetit Rrugor Shqiptar, për qëllim të këtij ligji, ka të njëjtin detyrim për përpunimin e informacionit në mënyrë konfidenciale.

Neni 16
Mbrojtja e të dhënave personale

1. Të dhënat personale të individëve të përfshirë në hetimin administrativ përpunohen vetëm për qëllim të këtij ligji. Në çdo rast, përpunimi i të dhënave personale kryhet sipas parimeve dhe procedurave të legjislacionit në fuqi për mbrojtjen e të dhënave personale.
2. Në rastet kur, në zbatim të Ligjit nr. 60/2016 “Për sinjalizimin dhe mbrojtjen e sinjalizuesve”, konstatohet mosrespektim i legjislacionit për mbrojtjen e të dhënave personale, çështja i referohet Komisionerit për të Drejtën e Informimit dhe Mbrojtjen e të Dhënave Personale.
3. Komisioneri për të Drejtën e Informimit dhe Mbrojtjen e të Dhënave Personale përcakton me udhëzim të veçantë kushtet dhe kriteret e përpunimit dhe kohën e mbajtjes së të dhënave personale në fushën e mbrojtjes së sinjalizuesve, sipas Ligjit nr. 60/2016 “Për sinjalizimin dhe mbrojtjen e sinjalizuesve”.



REPUBLIKA E SHQIPËRISË
AUTORITETI RRUGOR SHQIPTAR

KAPITULLI IV
TË DREJTAT DHE MBROJTJA E SINJALIZUESVE

Neni 17

Të drejtat e sinjalizuesit

1. Të drejtat dhe interesat e sinjalizuesve mbrohen në mënyrë të besueshme, të efektshme dhe të përshtatshme.

2. Sinjalizuesi gëzon të drejtën e:

a) konfidencialitetit gjatë procesit të sinjalizimit, që përfshin, gjithashtu, mundësinë e sinjalizimit anonim të një veprimi ose praktike të dyshuar korrupsioni, sipas nenit 7, pika 2, të Ligjit nr. 60/2016 “Për sinjalizimin dhe mbrojtjen e sinjalizuesve”,

b) ruajtjen e konfidencialitetit të burimit të informacionit të sinjalizuesit,

c) mbrojtjes kundër hakmarrjes,

3. Të drejtat e sinjalizuesit garantojnë, sipas Ligjit nr. 60/2016 “Për sinjalizimin dhe mbrojtjen e sinjalizuesve”:

a) gjatë kohëzgjatjes së procedurës së hetimit administrativ të sinjalizimit,

b) pas përfundimit të procedurës së hetimit administrativ të sinjalizimit, me qëllim kryerjen normale të detyrave funksionale të sinjalizuesit në Autoritetin Rrugor Shqiptar,

c) pas përfundimit të marrëdhënies së punës së sinjalizuesit me Autoritetin Rrugor Shqiptar, kur, nga rrethana të bazuara dhe të arsyeshme, sinjalizuesi ka kërkuar mbrojtjen nga ILDKPKI-ja.

4. Çdo rregull ose marrëveshje private, në bazë të së cilës përjashtohen ose kufizohen të drejtat dhe mbrojtja e sinjalizuesit, sipas Ligjit nr. 60/2016 “Për sinjalizimin dhe mbrojtjen e sinjalizuesve”, është e pavlefshme. Të drejtat e sinjalizuesit kanë epërsi ndaj marrëveshjeve të konfidencialitetit.

5. Sinjalizuesi informohet nga organizata (Autoriteti Rrugor Shqiptar) dhe ILDKPKI-ja, në mënyrë të plotë dhe në gjuhë të kuptueshme, për të drejtat dhe mbrojtjen e ofruar nga organizata (Autoriteti Rrugor Shqiptar) dhe ILDKPKI-ja, sipas Ligjit nr. 60/2016 “Për sinjalizimin dhe mbrojtjen e sinjalizuesve”.

Neni 18

Mbrojtja kundër hakmarrjes

1. Sinjalizuesi, i cili sinjalizon një veprim ose praktikë të dyshuar korrupsioni, në përputhje me dispozitat e Ligjit nr. 60/2016 “Për sinjalizimin dhe mbrojtjen e sinjalizuesve”, mbrohet ndaj çdo mase hakmarrëse të marrë ndaj tij nga organizata (Autoriteti Rrugor Shqiptar), duke përfshirë, por pa u kufizuar në:

a) shkarkimin nga puna,



REPUBLIKA E SHQIPËRISË
AUTORITETI RRUGOR SHQIPTAR

- b) pezullimin nga puna ose të një ose më shumë detyrave,
- c) transferimin brenda ose jashtë organizatës,
- ç) uljen në detyrë,
- d) uljen e pagës dhe/ose të shpërblimeve financiare,
- dh) humbjen e statusit dhe të privilegjeve,
- e) mosngritjen në detyrë,
- ë) heqjen e së drejtës për të marrë pjesë në trajnime,
- f) vlerësime negative në marrëdhënien e punës,
- g) forma të tjera të hakmarrjes në lidhje me punën.

2. Çdo akt i hakmarrjes ndaj sinjalizuesit është i pavlefshëm.

3. Nëse sinjalizuesi dëshiron të vendoset në një strukturë tjetër të organizatës (Autoriteti Rrugor Shqiptar), për të mbrojtur veten nga reagime armiqësore në mjedisin e tij të afërt të punës, organizata (Autoriteti Rrugor Shqiptar) merr masat e arsyeshme dhe të përshtatshme për të lehtësuar një lëvizje të tillë. Në rast të kundërt, ILDKPKI-ja, me kërkesë të sinjalizuesit, i drejtohet organit kompetent, sipas legjislacionit në fuqi, për të urdhëruar autoritetin publik (Autoritetin Rrugor Shqiptar) të marrë të gjitha masat, sipas këtij neni.

Nëse organizata (Autoriteti Rrugor Shqiptar) nuk merr masat e kërkuara nga ILDKPKI-ja, çdo person i interesuar ka të drejtë t'i drejtohet gjykatës.

Neni 19

Procedura e hetimit të kërkesës për mbrojtje

1. Sinjalizuesi, i cili pretendon se është subjekt i një akti hakmarrjeje, paraqet kërkesë për mbrojtje te njësia përgjegjëse brenda Autoritetit Rrugor Shqiptar. Njësia përgjegjëse merr menjëherë masat dhe në çdo rast jo më vonë se 10 ditë nga paraqitja e kërkesës, vendos me akt të ndërmjetëm të arsyetuar për riparimin e pasojave të paligjshme nga akti i hakmarrjes. Në rast të shkeljes së këtij afati, kërkesa paraqitet tek ILDKPKI-ja, që vendos brenda 10 ditëve nga marrja e kërkesës.

2. Organizata (Autoriteti Rrugor Shqiptar) me kërkesë të ILDKPKI-së, duhet të provojë që masat e marra në dëm të sinjalizuesit janë bazuar në shkaqe të ndryshme dhe që nuk lidhen në mënyrë të drejtpërdrejtë ose të tërthortë me sinjalizimin.

3. Procedura e hetimit administrativ të kërkesës për mbrojtje përfundon sa më shpejt të jetë e mundur dhe në çdo rast jo më vonë se 60 ditë nga data e regjistrimit të kërkesës.

4. Nëse në përfundim të hetimit administrativ rezulton se është kryer një akt hakmarrjeje ndaj sinjalizuesit nga organizata (Autoriteti Rrugor Shqiptar), ILDKPKI-ja i drejtohet organit kompetent, sipas legjislacionit në fuqi, për të urdhëruar Autoritetin Rrugor Shqiptar për marrjen e të gjitha masave për riparimin e shkeljes së kryer. Nëse Autoriteti Rrugor Shqiptar nuk merr



REPUBLIKA E SHQIPËRISË
AUTORITETI RRUGOR SHQIPTAR

masat e kërkuara nga ILDKPKI-ja, sipas kësaj pike, çdo person i interesuar ose ILDKPI-ja ka të drejtë t'i drejtohet gjykatës.

Neni 20
Dëmshpërblimi në rastin e hakmarrjes

Sinjalizuesi ka të drejtë të kërkojë në gjykatë shpërblim për dëmin e pësuar nga akti i hakmarrjes, në kuptim të këtij ligji, sipas Kodit Civil.

Neni 21
Raportimi

Njësia përgjegjëse brenda Autoritetit Rrugor Shqiptar zbaton detyrat e ngarkuara nga ILDKPKI-ja për lehtësimin dhe zhvillimin e procesit të sinjalizimit, si dhe i paraqet ILDKPKI-së çdo vit, jo më vonë se data 15 Janar e vitit pasardhës, raport me shkrim për sinjalizimet e regjistruara, mënyrat e ndjekura për hetimin administrativ të sinjalizimeve dhe mbrojtjen e sinjalizuesve.

KAPITULLI V
DISPOZITA TË FUNDIT

Neni 22

Kriteret dhe përmbajtja e kësaj rregulloreje janë të detyrueshme për zbatim nga Njësia përgjegjëse për sinjalizimin dhe mbrojtjen e sinjalizuesve brenda Autoritetit Rrugor Shqiptar